

ADVIS DONNE' AV  
Roy en son Conseil, par  
Monseigneur le Prince,

*Sur l'Article du Tiers Estat, con-  
traditions du Clergé, & Arrests  
du Parlement, le quatriesme de  
Jannier 1615.*

SIRE,

l'estime que l'affaire qui se  
presente est vne des plus im-  
portantes qui depuis cent ans  
se soit agitée en vostre Con-  
seil, digne de vostre presence:  
Il s'agist de deux points de  
tres grande consequence: l'un  
regarde l'honneur deu à Dieu,  
affermissement de l'Eglise Ca-  
tholique, Apostolique, & Ro-

A ij

maine : & l'autre, la seureté & conseruation de vos Estats : certes, Sire, vostre Majesté se peut dire à bon droit le plus grand Roy du monde, qui ne releue sa Couronne que de Dieu seul, auquel tant plus vous estes puissant, tant plus aussi estes vous soubs-mis : ce grand Dieu ; Roy des Roys, a voulu pour le rachapt de nos pechez que son fils se fist homme, ce fils nous guidant de presence visible, nous a laissé vn chef visible en son Eglise Saint Pierre, duquel le Pape tient chaire & legitime succession, estant neantmoins chef de l'Eglise Iesus Christ. Le Pape est donc Pasteur & le premier & souuerain Pontife des Brebis

de Iesus-Christ, & vostre Ma-  
jesté n'estant que brebis, com-  
me la moindre vous ne deuez  
doubter que ne soyez soubs-  
mis à ceste puissance spirituel-  
le, & pour vous acquerir salut,  
& pour vous retrancher & ex-  
communier des membres de  
l'Eglise, si vos fautes & pechez  
en donnent subject. Ceste ex-  
cômmunion pour iuste cau-  
se liure vostre ame à Sathan,  
vous exclut de la communion  
de l'Eglise, de l'usage des Sa-  
cremens, mesme de l'entrée  
d'icelle: Mais en ce qui touche  
vostre temporel, subjection  
de vos subiects, obeïssance qui  
vous est naturellement deuë,  
& sacré respect qu'il faut ren-  
dre à la conseruation de la



vie. de l'Oing du Seigneur, la  
 puissance spirituelle est de nul  
 pouuoir, Que quelque vous  
 loyez, heretique ou infidelle,  
 on ne vous doie obeyr en ce  
 qui n'est que chose purement  
 temporelle. Qu'on ne vous  
 doie vos tributs, ce seroit ne  
 pas suiure les preceptes de Je-  
 sus-Christ, qui recognoist Pi-  
 late pour Iuge, qui comman-  
 de de payer le Tribut à Cæsar,  
 & saint Paul y fait venir sa cau-  
 se par appel, & Iesus-Christ &  
 ce grand Apostre recourent au  
 temporel aux iugemens & ar-  
 rests des Princes Payens, Ceux  
 qui sont ennemis de la puis-  
 sance des Roys, soustenant les  
 contraires aduis, qui ailleurs  
 qu'en Frâce ne se pourroiet di-

re problematiques, n'ont jamais esté si enragez que de dire qu'il fallust tuer les Roys, au contraire, detestent avec nous ceste pernicieuse assertion, & sera bien facile d'en obtenir du Pape la censure. Mais ce n'est pas la question: venôs à l'indiuidu, & nous verrons que vostre sacrée personne, Sire, peut legitirnement en quelque cas estre tuée de ses subiects selon leur doctrine: *Vostre Majesté selon leur dire peché: on l'admonnesté iusques à la troisiésme fois: elle continuë: on l'excommunie: elle ne se repent: on la depose de son Royaume: on absout vos subjects de la fidelité qui vous est deuë: Lors tandis que Louys XIII. estoit Roy, il n'estoit pas per-*

mis de le tuer : mais estant deuenu  
 de Roy non Roy, vn autre legitime  
 prend sa place: lors continuant con-  
 tre l'autorité spirituelle du Pape  
 & temporelle du nouveau Roy esleu,  
 à se dire Roy c'est vn vray usur-  
 pateur, criminel de leze Majesté di-  
 uine & humaine, & comme tel  
 prosript, permis à tous de le tuer.  
 C'est donc folie de deman-  
 der la censure contre ceux qui  
 attentent contre les Roys, elle  
 est aisée à obtenir, mais il la  
 faut auoir entiere, & feuerie  
 contre ceste pernicieuse do-  
 ctrine, qui de filet en aiguille  
 nous maine à vsurpations, re-  
 bellions, & meurtres contre  
 nos souuerains: de plus, mes-  
 me du consentement des Pa-  
 pes: nous auons en France re-  
 nu



nu à iamais ces maximes. Les Ordonnances de saint Louys nous le monstrent suffisamment: l'histoire nous remarque, que du temps de Philippes le Bel, ce Roy s'opposa vertueusement au Pape Boniface, qui lors ayant fait vn decret, fut depuis reuocqué par son successeur au regard de nos Roys: lors tous les Euesques de France; hormis deux, soustindrent courageusement nos maximes: & la Noblesse fit vn trait à iamais memorable, escriuant au Pape, elle manda qu'en tout elle vouloit obeyr au Roy: mais que si le Roy vouloit soubs-mettre au Pape sa puissance temporelle pour les droits de sa Couronne & Suc-

B

cesseurs qu'elles y opposeroit:  
du temps de Louys XII. nous  
eusmes besoin de pareille ge-  
nerosité, depuis du temps du  
Roy Charles IX. en l'année  
mil cinq cens soixante & vn,  
Tanquerel Bachelier en Theo-  
logie, ayant soustenu ceste  
damnable doctrine, fut par  
arrest de la Cour, condamné  
à faire amende honorable, &  
plusieurs Docteurs de Sorbon-  
ne à demâder pardon au Roy,  
A quoy le Parlement fut lors  
excité par le Roy, la Royne sa  
Mere, Princes de son Sang, &  
Commission speciale de ce di-  
gne Chancelier de l'Hospital,  
qui lors employa les Seaulx du  
Roy à exhorter ses Officiers à  
faire iustice des assassins des



Roy. Nous deuons attendre  
la mesme prudence de la Roy-  
ne vostre Mere, veu qu'elle a  
passé tant d'escueils durant sa  
Regence, pour vous mener au  
doux port de vostre Majorité.  
Depuis la mort de nos deux  
Rois, les Clement, Guygnard,  
Barriere, Chastel, & Rauaillac,  
nous donnent plus de subiect  
qu'à aucune nation, d'exercer  
cete fatale doctrine, ce sont les  
subjects, Sire, qui me font ad-  
mirer la sagesse de vostre Par-  
lement, qui par le tesmoigna-  
ge qu'il vous rend de sa fidelité,  
vous oblige à iamais; & toute  
la Frâce, de les estimer fidelles  
courageux, & incorruptibles  
Magistrats, qui sont les vrais  
conseruateurs des saincts De-

crets, & de qui il ne sort que des Oracles d'une infailible verité. Magistrats qui vous font réuerer, puis-que vostre personne seule en France est exempte de leur Iurisdiction. Je ne parle que pour l'interest du Roy: car j'espere sa vie durer des siecles, celles de M<sup>o</sup>seigneur son frere de mesme, & par vne multitude d'enfans, nous nous verrons asseurez en vne paix perdurable. Neantmoins, Sire, puis-qu'en tout temps toutes rudes medecines ne sont bonnes, Je suis d'aduis d'interdire pour la cōsequence au Clergé & Tiers Estat de plus disputer ceste question, & l'éuoquer à vous, leur laissant la liberté aux vns & aux autres,

de mettre leurs Articles comme ils voudront : & lors que vostre Majesté respondra les Cahiers, nous verrons lors par vostre prudence nos anciennes maximes confirmées par vostre responce: Et pource que le Clergé & la Noblesse pensent l'Arrest du Parlement empêcher leur liberté pour le present, pour deciller leurs yeux, le trouue bon d'en empêcher par deffances la signature, prononciation, & publication.



*[The page contains faint, illegible handwriting, likely bleed-through from the reverse side.]*

Suite. Jettou de la ville abbe 178

Ce flamant flottant de fleurs delis orné  
Ces lettres L et A en une poignée  
Ces deux faces des deux d'olive enroulées  
D'un d'écume fatal dont le cercle est bon  
Sont avec ce grand Jettou le miroir de la France  
He res pour son regimée de l'roy Luy  
Que se face de l'Espagne aussi vint de la même  
D'après ce qui est en l'ingénieur l'infirmité  
Sont avec ce grand Jettou le miroir de la France  
Ils sont avec de front sont avec l'roy  
Sont avec ce grand Jettou le miroir de la France  
Ces deux faces des deux d'olive enroulées  
D'un d'écume fatal dont le cercle est bon  
Sont avec ce grand Jettou le miroir de la France  
He res pour son regimée de l'roy Luy  
Que se face de l'Espagne aussi vint de la même  
D'après ce qui est en l'ingénieur l'infirmité

